

ների ոսնկոխ արած երկիրները, ափերի մօտ ոռնող ռազմակաները: Ու մեր եւ նրա միջեւ՝ բարոյական հսկայ անդունդը, ահհաւատալի փլուզումների կուտակումները, արիւնի գետերը ցեխ դարձած, եւ ցեխերի բլուրների դիակների վրայ կուտակուած:

Պէտք է արիարար խմել բաժակը մինչեւ տակը: Հայ լինելը հեշտ չէ: Ո՛վ է իմանում, նախախնամութեան ձեռքի մէջ ինչպիսի դադտնի դէնք ենք եւ մոլորակի վրայ ինչպիսի ըստուերներ ենք կոչուած լուսաւորելու:

Դարը սոսկալի պտուտակի նման պատուած է տարածութիւնները, Անկախ, անդեկ նաւի վրայից դիտում ենք փուլ եկած հորիզոնը:

Գնում ենք՝ վշտերի տակ փոշիացած ճանապարհներով, եւ ոչ ոք մեզ չի սպասում:

\* \* \*

Յոյները պարտուած են:

Հայերը, Չամլճայի կատարից, վախով լեցուն նայուածքով շօշափում են անհանդիսա Ասիայի հողերը:

Տաճիկների թաղերում գաղտնի ժողովներ են տեղի ունենում:

Գալաթիայի նորաչէն տունների ամենաբարձր յարկում Սորհրդային Հայաստանը առեւտրական դրասենեակ է բաց արել:

Հայ ողին, այրուող գաւառներից փախած կիսամեռ գաղթականներին, խաւիարի եւ մագուլթի գներն է հաղորդում:

Արարատը տնկուել է աճառի դործարանի ռեկլամի վրայ եւ Նոյեան Տապանը մարքսիստական դրականութիւն է փոխադրում:

Թաքսիմի սրճարաններում վայր ընկնող կասկածելի մարդիկ, յանկարծ արթնցած դուրլարների տարածուող հոտից, վխտում են դրասեղանների շուրջը, մահամերձ մի աշխարհի վերջին հառաչանքները առաջարկելով:

Մի մարդ, անյաջող դերասանի ոլորի դէմքով, իր տակից խուսափող աթոռի ծայրից պինդ բռնած, կարեւորութիւն է ծախում եւ սրտի տակ, վախը, դողումի նման աճեցնում:

Մեծ վաճառատան գաւառում բացուած մասնաճիւղի է նմանում այս դրասենեակը: Անորոշ մի վտանգից վախեցող մարդկանց պէս, շոտով ամէն բան ծախում են:

Աշխարհիս երկրաշարժական ցնցումները գրելու մեքենայի ստեղծների տակ սատանայա-

կան հաշիւի են վերածուել. ահաւոր հրդեհներ, նախճիրներ, մոլորակը քանդող զարհուրանքներ, ժողովրդներ ոչնչացնող աւերներ առեւտրական կանոնաւոր դրքերում «եւք եւ մուտքի» դասաւորուած էջ են բաց արել:

Մահմանները օձերի պէս պարում են. քաղաքները փոշի են դառնում: Երկրագնդի առանցքը խենդացած պտտում է պարապի մէջ, ժողովրդները փախչում են, ծովերը ոռնում:

Իսկ այստեղ ամէն ինչ մանր թուարանութեան են վերածել:

Ամերիկեան դրասեղանի վրայ, կասկածելի այցետոմսի մօտ, էնդէլիսի դուլիսը կօշիկի ներկ է ծախում, մինչ Գում Գափուի պատրիարքը՝ ասորական քիթը մօրուքի վրայ կախած՝ ազդի դուռնը ծռել է մալականների շինած մի կտոր պանիրի առջեւ:

Հեռագրաթելերը, առեւտրական պարզ խօսքերի տակ, դաւում են պետութիւնների դէմ եւ մղկիթների մէջ դանակներ սրում:

Պերան դիտում է եւ նախանձում:

\* \* \*

Ամէն օր, չարագուշակ լուրեր են գալիս:

Յոյները նահանջում են: Քրիստոնեայ ագգաբնակչուցութիւնը, այրուած դիւղերի մոխիրների վրայ, դէն նետուած դրօշակները կոկոնուելով, փախչում է ծովեզերք, որտեղից ոչ մի նաւ չի անցնում:

Թրակիան վիզը ծռել, կախաղանի է սպասում:

Իզմիրը, միջնադարեան դիւցազներգութեան վերջին տեսարանն է ապրում: Իր ամբողջ հարստութիւնով այրուած, անշարժօրէն կեցած եւրոպական ռազմանաւերի առջեւ: Թնդանօթների տեղ, լուսանկարչական գործիքների ճարճատումն է լւում:

Քրիստոնեաները կուում են եկեղեցիների շուրջ: Չանգալիաները բոցերի մէջ վայր են ընկնում եւ խոր հառաչանքներ ձգում Փարիզի եւ Լոնտոնի ռադիօ-կայանների լուծեան առջեւ:

Թուրք գորգերը թալանում են Եւրոպայի պատիւը:

Ասիան կատաղած վիշապի պէս գլուխը երկարում է դէպի Պոլիս եւ ալոսները մխրճում անդլիացի հրամանատարի շքանշանների մէջ:

Դաշնակիցները քաղաքը պիտի թողնեն: